

X 204 52 55

Z 6
8000

ILLUSTRISSIMUS ET AUGUSTISSIMUS
PRINCEPS AC DOMINUS, DN:

GEORGIUS WILHELMUS
MARCHIO BRANDENBURGENSIS,
BORUSSIAE, JULIAE, CLIVIAE, MONTIUM, SEDINI
POMERANORUM, CASSUBIORUM, VANDALORUM, CROSNAEQ; &
CARNOVIAE IN SILESIA DUX: BURGGRAVIUS NORINBERGENSIS,
PRINCEPS RUGIAE, COMES MARCHIAE & RAVENSPURGI
DOMINUS IN RAVENSTEIN, &c.

RECTOR MAGNIFICENTISSIMUS,
ACADEMIAE FRANCOFURTANAE AD
solemnia Doctoralia

Quibus vir Clariss. Consultiss. & Excellentiss.

DN. MATTHAËUS CUNO, J. U. D.
& Professor P. Consiliar. Electoral. ac pro tempore
amplissimae Facultatis Juridicae Decanus
spectatissimus,

Viris Doctissimis & praestantissimis

DNN:

BALTHASARI HYLLERO SILESIO,
Caes. (Sacratiss. mem.) Regiaeq; Maj. tis causa-
rum Fiscalium in superiore Lusatia Patrono

ET

ADAMO BOLFRAS FRANCOFURTANO
Marchico, Comitum Mansfeldensium

Consiliario:

Summum in Utroque Jure gradum confert a. d. XXI. April.

A. M. DC. XII.

Typis IOANNIS EICHORN.

BIBLIOTHECA
PONICKAVIANA

UNIVERSITÄT
LEIPZIG
(BAALE)
BIBLIOTHEK

UÆ OB DIGNITATEM
utilitatemque admirabilem adeò splen-
det Justitia, ut apud Philosophum ex
Poëta Græco ἡ δ' ἑστὶν ἡ δὲ ἐστὶν ἡ δὲ ἐστὶν θαυμάσιος, eadem
ob singularem constantiam comparari solet cum
stella polari. Quemadmodum enim circa illam
cælum quidem voluitur, ipsa verò non mutat su-
um locum: sic vita hominum mira volubilitate
vertitur, & judex quantumvis æquus, interdum
humanis superatus affectibus, ab æquitatis tra-
mite exorbitat: Justitia autem semper manet, ea-
dem, nec ad cujusquam declinat gratiam, sed in
eo tota est, ut inter cives seruetur æqualitas. Pro-
inde cum Justitiæ imago certis legibus delineata
& expressa sit, quas non vana opinio peperit, sed
quædam diuinitus animis hominum insita & in-
nata vis, non sine maximo labore & industriâ
produxit: meritò ad leges istas tanquam ad He-
licen semper respiciunt, qui in Reipub. navi ad
puppim sedent, ejusq; clavum tenent: ne fortè à
cursu recto deflectant, & communem omnium
salutem unà secum in calamitatum syrtes & exi-
tij scopulos conjiciant. Sicuti n. nec domus ulla,
nec schola, nec militia commodè administratur,
nisi

nisi pater filios, dominus servos, præceptor disci-
pulos, dux milites legibus convenientibus. constrin-
gat, ac diebus singulis sua quasi judicia exerceat;
ita multò minus gubernari civitas poterit, nisi
jure civili tanquam vinculo civium multitudo
coarctetur, ac Reipub: præsit domina illa & regi-
na virtutum JUSTITIA, cujus, teste Oratore, tan-
ta vis est, ut ne illi quidem, qui maleficio & sce-
re pascuntur, possint sine ulla ejus particula vive-
re. Jam in evolvendis & rectè cognoscendis li-
bris istis, quibus jus civile descriptum & expla-
natum est, tanta devoranda sunt molestia, tanti
sumptus impendendi, tot vigilanda noctes, tot su-
peranda difficultates; ut vel ex solo isto studio τὰ
καλὰ ἢ δύσκολα esse appareat; nec facile quis eo pro-
gredi possit, ut ad respondendum de jure aptus, ad
agendum promptus, ad cavendum peritus sit, nisi
ad disciplinam istam attulerit ingenium acerrim-
um ac laboris patientissimum, loculosq; vel ære
paterno, vel aliorum liberalitate multum refertos.

Itaq; si apud Græcos olim χαεῖρωνιστῆρα Gratia-
rum templa in foro erecta sunt, quibus moneren-
tur cives, ut & gratià digna agere, & agentibus
gratias referre discerent: quis non laudet & con-

A 2

suetudinem

suetudinem nostri seculi, & summorum Imperatorum, Serenissimorumque Principum augustam voluntatem, qua decretum est, ut illis, qui in hujusmodi studijs præ alijs strenue essent versati, publica tribuantur honorum insignia, & summum referatur laboris premium gloria. Tales, ut ante hac multi alij, ita nunc duo viri doctissimi & præstantissimi in hac nostrâ Academia reperti sunt, **BALTHASAR HYLLERUS** Strigoviensis Silesius, & **ADAMUS BOLFRAS** Francofurtanus Marchicus: qui posteaquam ad præclara Legum studia animum applicassent, cursu indefatigato eo contenderunt, ut in Juris studio, recto, quod ajunt, talo possent consistere. Neque enim natura tantummodò bonitatem & acumen ingenij ad tractanda hæc studia attulerunt: sed à primis statim annis animum excoluerunt artibus humanioribus ac scientijs laudatissimis, partim in scholis, ut vocant, trivialibus, partim in Academijs. **BALTHASAR** enim **HYLLERUS** ortus à parentibus honestissimis, ubi non solum in scholâ patria primas literas addidicisset, sed in Inclyto Vratislaviensi Gymnasio per integrum sexennium optimarum artium studijs

studijs incubuisset: de Consilio Domini VALENTINI HYLLERI Consulis apud Strigovienses dignissimi in Academiam Lipsiensem se contulit, ubi non sine singulari virtutis & diligentiae laude vixit biennium; usus privato praefectore Nicolao Vesselo J. U. Doctore praestantissimo: publice verò sedulo audiuit Legum Professores celeberrimos, ac disputationibus publicis diligenter interfuit. Inde cum luis pestifera metuesset expulsus, Vitebergam commigravit, ibique, prout Nobis relatum est excellentissimos Jureconsultos D. Johannem Zangerum. D. Ludovicum Personam. D. Bartholomaeum Reusnerum & D. Lucam Becmannum Jura publice interpretantes, biennium ferè, non absq; attentione singulari & fructu audiit. Postea in Patriam vocatus, ac Nobilissimo & praestantissimo juveni Alberto à Seidlitz & c. vitæ ac studiorum moderator adjunctus, Lipsiam rediit, & in LL. cognitione magis ac magis progressus & confirmatus est; talemq; se praebeuit, ut Professorum aliorumque animos eruditionis laude ac morum gratia sibi plurimum devinciret; quo nomine ab Academia ista testimonium maxime honorificum ob-

tinuit. Tandem verò, anno abhinc octavo Casareæ (sacratissima memoria) Regiæq; Majestatis causarum Fiscalium in superiore Lusatiâ patronus constitutus, eaq; provinciâ in hunc usq; diem, quantâ par erat fide & integritate, defunctus est; adeò ut à viris magni nominis præclarâ laudem fuerit adeptus. Sic ADAMUS BOLFRAS, hac ipsa in urbe doctrinæ solidioris fundamenta prima jecit, tanta ingenij dexteritate, tantaq; industria, ut celeriter ac feliciter in schola patria peragrato primarum artium stadio, mox animo alacri ac vegeto ad patentiores Musarû campos Academicos transierit, animumq; scientiarum Philosophicarû cognitione perpoliuerit, & ad superiora præparavit. Hisq; ita salutariter præmissis, incitatus proculdubio præclara eruditione & fama Avunculi sui celeberrimi, nunc temporis amplissimæ Facultatis juridicæ Decani, tum etiâ Agnatorum Bolfrasiorum insigni doctrina & virtute, ad superandum ingens Legum pelagus se accinxit: quam ad rem non solum multos præceptores libros, lucubrationes privatas adhibuit; sed clarissimis quibusq; Jureconsultis publicè docentibus aurium ædes magno cum desiderio & voluptate

voluptate aperuit, partim in Academia hac no-
stra, nec non Marpurgensi & VVitenbergen-
si; partim etiam in Italorum Patavina & Se-
nensi: quas omnes ita frequentavit, ut semper
quo ad doctrinam eruditior, quo ad virtutem
cultior inde recederet: donec tandem ab illustri-
bus ac generosis Comitibus Mansfeldensibus in
consiliariorum numerum cooptatus est. Parenti
certe ipsius ADAMO BOLFRASIO, ante
aliquot annos Reipub: oppidanæ hoc loco Consuli,
id evenisse cernimus, quod Syracides c. 46. de ju-
dicibus illis pronunciauit, quorum cor non fuit
corruptum, quique non a versi fuerunt à Domi-
no: Memoria illorum erit in εὐλογίαις: & ossa eo-
rum locis suis revirescent: nomenq; ipsorum cum
gloria propagabitur ad posteros. Verè enim no-
men ipsius in filio hoc cognomine reflorescit apud
homines, quod jam pridem in cælis floruit apud
D E U M. Hi igitur duo Candidati ornatissi-
mi laborum, quos ante hac exantlarunt gravis-
simos, premium, summum scilicet in utroque ju-
re gradum petierunt: & in examine tam priva-
to quam publico tales deprehensi sunt, ut amplis-
simum collegium Juridicum ultrò petitioni ipso-
rum

rum dederit locum, & honores in jure summos
ipsis decreverit. In Professorum & examinato-
rum judicio Illustriss. Dn. Parens noster clemen-
tissimè acquievit: jamq̄ solennitati Doctorali di-
catus est proximus dies Martis: quo ut in tem-
plo Cathedrali pro more hætenus recepto conve-
niatis Academia Civis florentissimi, & in ve-
nerandarum Legum, ac Juridicæ Facultatis, nec
non Dnn. Candidatorum gratiam, ~~transire~~ hanc
presentia vestra cohonestetis, clementer cupimus.
V.P.P. XIX. April. A. 1612.

C. T.

Acclamatio Solennis

26 7999

DESTINATA HONORIBVS CLARISSIMORVM
& Doctissimorum virorum

DN. BALTHASARIS
HYLLERI SILESII CAUSARUM
Fiscalium in superiori Lufatiâ Patroni;

ET

Dn. ADAMI BOLFRASII
FRANCOFURTANI COMITUM
Mansfeldensium Consiliarij:

Cum illis à Clariss. & Consultissimo
VIRO DN.

MATTHÆO CUNONE J. U. D.
ILLUSTRISS. ELECTORIS BRANDEBURGICI
Consiliario & Facultatis juridicæ Decano
& Ordinario

Summus in utroque jure gradus
conferretur

Decantata de more per puerum in
ipso promotionis actu

ADD. XXI. APRILIS

ANNO M. DC. XII.

Typis

JOANNIS EICHORN.





ODE SAPPHICA.

Vidicro si qui superare agone
Hellade in docta valere fortes
Helicas, multo fuerunt honore

Condecorati:

Si gravi qui primus adire nisu
Ausus hostilis fuerat acumen
Turris, insignis meruit corona

Premia quondam:

Si viget mos militia in sagata,
Ut suo qui consilio & labori
Non pepercerunt, niteant celebri

Nomine clari:

Jure fit, quod militia in togata
Iusta dignis premia constituta,
Et gradus ac nomina sunt honorum

Cuiq; tributa.

Sic enim secernimus otiosos
Non modo à navis, sed & excitamus
Sponte currentes, reliquosq; si sint
Forte remissi.

• Addo, quod sic muneribus profanis,
Et sacris fuci prohibentur, & se

Desti-

Destitutos egregij pote haud sint
Dicere tristes.

Cernitis quos CUNO sacra Themistos
Summus antistes juvenes virosq;
Sistit, insigni Sophia beatos

Muner & dia.

Hi licet norint sibi quod sit ipsa
Præmium virtus, neq; querat extra
Se amplius, gaudent tamen hæc apisci In-
signia honoris.

Nam recordantur sibi quanta moles
Et laborum exhausta sit, atq; olivi
Quanta vis impensa, suoq; poscunt
Præmia jure.

Vixit HILLERUS Themidi sacra &
Deditus sic, ut sibi nomen & rem,
Cæsaris fisci quia agit patronum,
Conciliarit.

Nunc Dices sancta quoq; Doctor inter
Cæteros mystas sat agit vocari,
Esse sed multo magis, id quod esse
Justitia scit.

Tuq; BOLFRASI patre consulari
Atq; avo de consule nate, dignum

Te

Teruis prestare, & avunculum ipsum
Vis imitari.

Ergo jam primis sophien ab annis
Es secutus naviter, atq; porro
Progredi cura fuit ad Themistos
Templa sacra.

Hæc lares olim ad patrios secutus,
Hæc frequentasti cupide strepentis
Ad Albis ripas, aliosq; ludos
Teutonis ora.

Nec satis. Verum Ausonia beatas
Et videre urbes celebresq; sedit
Cominusq; audire viros & horum
Dicere mores.

Ergo nunc plenum geris erudita
Pectus à Doctrina, & inempta morum
Suavitas te exornat, & os disertum
Mactat honore.

Vive, porro & cresce: favent utriq;
Gratia, Musa, Themis & potentes:
Quid petat majus superos quis? ambo
Vivite leti.

Balthasar Caminæus
J. U. D.

Honoribus Doctoralibus
Clarissimi Consultissimiq; Viri Dn.
BALTHASARIS HILLERI, J. U. LI.
centiati, & Fiscij Regij in Judicio supremo Lusatiae
Superioris Advocati Spectatissimi, Fautoris
& amici sui honorandi.

B *Altasar Hilarius Themidos dum ferta capeffit
Aurea, letatur Pallas, & alma Themis.
Hoc decus ante annos complures candida virtus
Promeruit, Nissa cognita saepe foro.
Nam causas orare potest feliciter omnes,
Eloquio, calamo, consilioq; simul.
Scilicet hinc Caesar tibi Fiscij credidit acta,
Baltasar, insigni perficienda fide.
Ingenium laudat Lusatidos ora, serenus
Et tibi Regali fulget ab arce favor.
Perge ita: majores sic accumulabis honores,
Et majus Themidos nomen ab arte feres.
Quando juvant Deus, & Themis, & Clementia Regis
Magnus ab exili progrediere loco.
Invidus ore licet ringatur Zoilus, olim
Teq; tuosq; ingens nobilitabit honos.*

Otho Melander J.C.S. Caesar. & Regiae
Majestatis Consiliarius E. Pragae

αυτοσχεδιος ipsis Kalendis Aprilis.

QUEM modò Niffanâ Libitina fugabat ab urbe
Incestans crebris funera funeribus.
Ecce novis titulis mactatum, & honore tiaræ
Purpureæ, reducem sistit amica Themis.
O gratum fatum, lata ó dilatio lethi,
Quæ tibi divino venit ab auxilio,
Gratulor hunc reditum, grandem quoque grator
honorem,
Et voveo augmentum sumat ut usq; novum.

*Abrahamus Cauius Phil. & I. V. D. Illustr:
Ordin. Super. Lusat. Syndicus honoris &
amoris ergo Budis. deproperabat.*

DOCTA vetustatis quondam Prudentia honorem
Virtuti attiguam finxit habere domum:
Vnica erat, geminam quâ transfiretur ad ædem
Janua, Virtutis consolidata lae.
Venitidi celsam scansurus Honoris ad arcem
Virtutis coleret templa sacrata prius.
Hyllere, hoc, tibi, rimanti præpostera non est
Ad duplicem studijs semita trita viam.
Virtutis primùm cursus tibi victus ad ædem
Cursus per Themidos continuatus agros.
Hinc quid sint Leges, quid jus cõprendat utrũq;
Noticies cerebro tessitat alma tuo.

Ab-

Abdita divini calles ænigmata juris,
Quas fovet in gremio Bartholus ipse suo.
Scis moves fieri quid non patiatur inertes,
Est studijs morum consona norma tuis.
Ergò quis invidiat Virtutis calle peracto,
Si novus in templis incola Honoris eris.
Gratemur potius juris præeunte Decano
Has voces: *Hillere* induite *Doctor* ave.
Perge, ut cœpisti, spartam, quam nactus es, orna,
Præclarum & juris nomen ab arte feres.

*Honoris gratia
deproperab.*

M. Nicolaus Specht.

Rumor erat, te alio pestis pepulisse periculum
Baltasar Eunomia jaspis, ocelle, jubar
Gerræ; causa abitum peperit prægnantior istum
Tempus erat tandem digna brabea dari.
Illix alma Themis discessus, relligio esset
Quo trahit & retrahit non benè velle sequi.
Eunomiam Ingenium Virtus, Labor, entheus ardor
Movit, miracli talia & instar habet.
Gnarus es arcanos Legum nodosq; retortos
Diluere, & studijs excolere alta tuis

Pres-

*Pressorum alma quies, clypeus miserumq; bacillus
Non sine laude cluis maxima laude geris.
Hec Astræa videns, flagrans tibi pollice sertum
Ex lauru & varione tere odore jubet.
Nec mora; jam ampla refers studiorum præmia; dignus
His etenim, felix utere major eris.
Fulgida sic tandem surges ceu flammula in auras
Surges ceu æstivis æsculus alta comis
Plurimus argentorivus fluet & fluet auro
Et feret æternis te tua fama tubis.*

Fridericus Cademan Reipub. Budis.
Advoc. Ordinar. deproperabat
autogedias amicitia & benevolentia ergo
gratabundus.



76 8000

OK

1677

ILLUSTRISSIMUS ET
 PRINCEPS AC DO
GEORGIUS W
 MARCHIO BRANDI
 BORUSSIAE, JULIAE, CLIVIA
 Pomeranorum, Cassubiorum, V
 Carnoviae in Silesia Dux: Burgg
 Princeps Rugiae, Comes Mar
 Dominus in Rave
RECTOR MAGNIFI
 ACADEMIAE FRANCO
 solemnia Doc
Quibus vir Clariss. Consuli
DN. MATTHÆUS
 & Professor P. Consiliar. Ele
 amplissima Facultatis
 spectatissim
Viris Doctissimis & p
 DNN:
BALTHASARI HYL
 Cæs. (Sacratissæ. mem.) E
 rum Fiscalium in superio
 Et
ADAMO BOLFRAS FE
 Marchico, Comitum M
 Consilia
Summum in Utroque Jure graa
 A. M. DC
Typis IOANNIS

BIBLIOTHECA
 PONICK

